

陳氏宗譜

閩字號

陳氏祖墓圖記

三十三代裔孫 孔頊圖著

梁邱明過比干墟賦就而泣下韓昌黎拜田橫墓文
成而義激昔賢登臨古蹟而感慨興悲豈重其地哉
蓋地以人重也至於吾祖之墓則不然祖乃身之所
自出者也苟置之墓生荆棘狐兔穴中荒坵無主則
古馬鬣封之謂何抑或牛羊之牧橫暴之侵爲子若
孫者可付之如若敖乎爰是繪之以圖壽之以梓俾
後世子孫知某墳葬某祖某山某形披其圖如履其
地登其地卽知其祖豈但仰松楸而悽愴亦所以觸

目警心不至於荒圯無主迷茫湮沒也故墓或無碑
按圖足考名或已失閱譜足稽世世子孫流傳愈遠
萬禩千載因譜咸知又何患乎迷茫湮沒橫暴占侵
者哉是爲記

謹按孔頊公譜載先世祖墳圖記其言先得我心
今重修宗譜補編先代我 城公 正度公墳圖
二 麟公墳 二所有各派繪出其祖考妣墳圖
編次於各派世系後以備稽考

道光己亥夏四月 日

會續編

光緒丁酉新鑄

真州通志堂春祭

卷之四

源長社書冊

鳳城

左

卷之四

上

陳大宗祠春祭源長社序

貢川巫峽有陳氏大宗祠崇祀

始祖大中丞公考妣暨

列祖鄉賢諸公由宋迄今經四朝矣雖其間
風雨漂搖屢經修葺者不一次至

國朝嘉慶間大興修理煥然而一新焉閭族
人喜

祖靈之有托也爰遵舊制逋年於仲秋月十日集遠近宗人而致祭之以盡報本追遠之誠甚盛舉也第念古人四時皆祭況我

鄉賢諸公乃宋理宗時准立專祠命有司於春秋丁祭後三日行祭祀禮國史家乘歷歷可稽今大宗祠乃一歲一舉止有秋祭而春祭未行孝子順孫於心不能安也紹泉翁念

及此與其宗人謀一言出而應者如響遂邀
一社或捐金或捐田共得七十餘人而春祭
之禮以行爰名其社曰源長蓋寓源遠流長
之意茲因社成欲將所捐田產及續置穀數
刊刻印簿分布輪理俾後人有所稽查因以
書來囑予一言弁其首予自維謏陋而美意
所在不便以不文辭爰叙其緣起以付諸手

民聊以應紹翁之請云爾是爲序

皆

大清光緒二十一年歲在乙未菊秋月朔越
三日

同里高錫嘉拜撰

陳氏大宗祠春祭文

維國號幾年歲次某甲子仲春月朔越十日
裔孫某等謹以柔毛剛鬣庶饁粢盛之
儀敢昭告於

開基始祖唐中丞月銘公暨妣鄭氏夫人

列祖 列妣

社內配享

某世祖某公之神前而文曰 伏以

韭雨流馨百五風光催菜節

榆煙釀暖二分春色麗花朝

感雨露之既濡追本原而思報

恭惟

始祖

基開唐代

派衍

列宗

簪纓敷丕葉之榮家承閥閱

紳笏襲累朝之盛門煥德星是用

佑啟五房統綿一脉

閱千餘年世德作求宗風丕振

開數十代箕裘濟美福蔭孔長

茲際夾鐘之上旬特舉春祠之盛典

中和酒熟肅昭穆以薦馨香

賽社豚新潔粢盛而祈降格

惟願

丁文蔚起

甲第森聯

宮花聯半壁之輝衍冠裳於宋代

坊表繼大儒之軌賡颺拜於

清時式鑒葵忱用歆菲薦尙

饗

追遠堂新立春祭源長社小引

我族巫峽大宗祠起自前明萬厯間迄
今三百餘載按年八月十日秋祭凡我
子姓兄弟叔姪無論遠邇皆詣祠跪拜
捐蒸給胙舉行已久誠盛典也惟春祭
缺然不無遺憾光緒辛巳七年眾舉泉
董修祠宇既落成會宗人華苑公子鍾

紳與宗琬宗注起郊學閔於光緒壬辰
十八年仲春同詣祖祠共謀是事欣然
新立春祭一社追祭

始祖中丞公祖妣暨

歷代列宗之靈盡報本追遠之思行春禴
秋嘗之典凡與社者每位捐田穀一碩
鄉爲始候社內置業議每位繳七三庫

平光澤拾圓即便續置田產以供費用
及今四載我族踴躍樂捐者七十餘人
或繳金或捐田萃成田穀六十餘碩社
得告成斯亦我族之光也爰刻簿冊載
明田段土色佃戶以及祭期祭品祭器
祭規仍請閭社捐蒸

先靈配高以昭誠敬挨次輪流收蒸辦祭

將簿冊刊刻如數俾我同志各領一部
一覽便曉世世子孫相傳勿替千百世
下遵規奉行毋生異議凡我社內子孫
到祠正祭前一日至祭後次早值年辦
便膏伙以款來歸且便宜焉今將祠圖
覆刻冊首隨刊

先祖遺像俾後世子孫愜聞僊見毋忘